

Kommuneqarfik Sermersuumi eqalunniarneq pillugu malittarisassat

§ 9, imm. 2 aamma Namminersornerullutik Oqartussat eqaluit aalisarneqarnerat pillugu nalunaarutaat nr. 20-mi § 13, 25. aggusti 2005-imeersoq naapertorlugu imatut aalajangersaasoqarpoq:

§ 1. Kommuneqarfik Sermersuumi qassutit atorlugit aalisarneq immikkoortuni ukunani eqqissitilluinnarneqarpoq:

1) Eqaluit: Eqaluit Qeqertaata aamma Eqaluit Qeqertaata nuuata kujataa'tungaanut titarlugu, allorniusaq 61°15'10'' N - 48°05'55'' V. Immikkoortoq ilanngussaq 1-imi takutinneqarpoq.

2) Ikka: Snævringenimiit kangerluk tamaat, allorniusaq 61°10'20'' N - 48°02'57'' V aamma ilummut. Immikkoortoq ilanngussaq 2-mi takutinneqarpoq.

3) Qoornoq: Qoornup kujutaani iigartartup kujataanit masarloqarfup kitaa tamaat, avannamut kangimut Qaamasunnguaq aamma Qoornup avannaani iigartartoq aamma Atarnup Tasia killigalugit, kujataatalu tungaani tatsit marluk atasut. Immikkoortoq ilanngussaq 2-mi takutinneqarpoq.

4) Tissaluup Eqalui: Tissaluup Iluani kangerlummi Akuliarisinnguaq aamma Innannguit akorngi titarlugit: allorniusaq 61° 24'30'' N - 48° 42'50'' V aamma 61° 23'31'' N - 48° 44'15'' V Immikkoortoq ilanngussaq 3-mi takutinneqarpoq.

5) Eqaluit Paamiut eqqaaniittoq, allorniusaq 62° 03'14.03'' N - 49° 25'08.06'' aamma 62° 03'13.56'' N - 49° 23'52,10'' V, taamaattorli takuuk imm. 2. immikkoortoq ilanngussaq 4-mi takutinneqarpoq.

Imm. 2. Imm. 1-imi allassimasuni immikkoortuni tamani qissattaammik aalisarneq pisinnaavoq.

Imm. 3. Sinerissamut imaluunniit imaanut igitanik assigisaannilluunniit igitsineq inerteqqutaavoq, aalisakkat igitassartai ilanngullugit, sumiiffimmiit nassarneqassapput.

§ 2. Tatsit aamma kuuit uku aalisariaatsinut tamanut eqqissisimatilluinnarneqarput:

1) Paatusoq Ilanngussaq 5 malillugu

2) Kangialiarfik Ilanngussaq 6 malillugu

3) Sarfatsiaat Ilanngussaq 7 malillugu

4) Saputit Ilanngussaq 8 malillugu

5) Qinnertuaq Ilanngussaq 9 malillugu

6) Tasiilaq Ilanngussaq 10 malillugu

7) Isertua Ilanngussaq 11 malillugu, amma

8) Qiddalikkat Ilanngussaq 12 malillugu

§ 3. Qaamasunnguup kangerliumarngata avannaani angallatit sulluunniit angalanissaat inerteqqutaavoq, allorniusaq 61°10'49'' N - 47°48.14'' V, aamma Atarnup Tasiiani nerukilleriarnerup kujataata'tungaa allorniusaq 61°07'35'' N - 47°54'08'' V.

§ 4. Ujaqqanik sapuserluni assiaqusersuilluni piniarneq inertequtaavoq.

Pillaateqartitsinerit

§ 5. §§ 1- 4-mik unioqutitsineq akiliisitsinermik kinguneqartinneqarsinnaavoq. Akiliutigineqartoq Nunatta karsianut nakkartinneqasaaq.

Atuutilerpera

§ 6. Malittarisassaq una atuutilissaaq ulloq 1. juuni 2015.

Imm. 2. Atuutilersitsinerup malitsigisaanik uku malittarisassat atorunnaarsinneqarput:

- 1) Nuuk kommuniani eqalunniarneq pillugu malittarisassaq 4. marsi 2007-mi atuutilersoq.
- 2) Kommunimi malittarisassaq Ivittuuni Eqalunniarneq pillugu malittarisassaq atuutilersitaq 28. novembari 2007-mi.
- 3) Paamiuni eqalunniarneq pillugu Paamiut Kommunea-nit malittarisassaq 21. oktobari 2005-mi atuutsilersitaq.
- 4) Ammassalik Kommunea-nit eqalunniarnermi malittarisassaq, atuutsilersitaq 14. maaji 2002.

Kommuneqarfik Sermersuumi kommunalbestyrelsimit aalajangiunneqarpoq ulloq 26. novembari 2013.

Asii Chemnitz Narup
Kommuneqarfik Sermersuumi Borgmesteri

Namminersorlutik Oqartussat, ulloq 13. maj 2015

Karl-Kristian Kruse
Aalisarnermut, Piniarnermut, Nunalerinermullu Naalakkersuisoq

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut